



Franciscus ex honesta familia apud Saxones natus, & in omni genere uirtutū educatus est. Is cum felici ingenio esset præditus, à teneris annis artium & linguarum cognitioni operam dedit, & in ijs plurimum promouit. Inde Iurisprudentiæ incubuit, & leges ciuiles sibi admodū familiares reddidit. Huic eruditioni quoq; uitæ integritatem & raram eloquentiam cōiunxerat. Itaq; factum ut Saxoniæ elector liberali stipendio eum ad se euocaret, suum Cancellarium cōstituerit, & res magnas hinc inde expedire iussent. Vnde cum Heinricus Angliæ rex Annam Cluensem uxorem duxisset, Saxo, qui sponsæ sororem matrimonio habebat,

hunc Franciscum cum Iohanne Dulcio in Angliam misit, ut regijs nuptijs interesset, atq; etiam religionis statum inspiceret, mense Nouemb. 1539. Is cum sequenti anno domum redisset, 7 Martij Smalkaldiæ comparuit, & confœderatis indicauit, quomodo religio in Angliā esset ordinata. Postea quoque cum 1541 Ratisbonæ Cæsar comitia ageret, & doctorum uirorum colloquium instituisset, hunc Burckartum reliquis testimonij causa adiunxit. nam dignus et uisus erat, cui tāta prouincia iniungeretur. Itaq; factum, cum Cæsari gratus esset, ut Protestantes hunc Franciscum 1543 Spiram ad Cæsarem Legatum miserint, atq; cum eo transigere uoluerint. Nec ipsa spes fefellit. Nam Saxonie elector in ijs comitijs per Burckartum cum Ferdinandicis egit & antiquis offensionibus sublatis, cum eo in gratiam redijt. Hoc modo contigit, ut Franciscus ob rerum usum, & multas animi & corporis uirtutes, apud Saxones in magna exultatione fuerit. Ioan. Sleid.